


# 垂加草全集

番外書類

庫	文	閣	内
五	二	二	和
函	八	八	書
一	三	三	
四	三	三	
架	冊	號	類

内閣文庫	
番號	和 26183
冊數	23 ( 21)
函號	190 318



垂加草第二十六

碑

佐原義連碑

淺草文庫

佐原氏者相州三浦之族而其先出自平姓矣  
義連之曾祖曰為繼為繼父曰為通任長門守  
是為三浦之祖為通父曰忠通忠通父曰良文  
共任鎮守府將軍良文者乃平祖高望王之子  
也為繼子曰義繼義繼子曰義明稱大介生十  
子一男義宗是杉本之祖一男義澄呼別當荒

垂加草

卷第六

二

二郎是矢部之祖三男義久是大多和之祖四  
男義春是多多良之祖五男義季是長井之祖  
六男重行七八九子失其名十男義連所謂佐  
原十郎是也高倉帝治承四年之夏源武衛賴  
朝卿勃興焉義明以其黨附之秋八月二十三  
日石橋山之戰源軍敗績武衛匿形而去翌日  
三浦與畠山戰于油井濱小坪坂三浦利斬首  
五十餘級重忠忿之奮擊義連等操短兵急當  
之重忠危畠山從者阻之言曰三浦畠山爲聯

族何寬如此敵哉而重忠免焉時上總介廣常  
弟金田大夫賴次以七十餘騎屬三浦焉重忠  
欲雪前日耻二十六日率其黨來三浦聞之保  
衣笠城畠山攻之義澄義連力戰拒之義明謂  
之曰兩日戰鬪兵疲矢盡汝等當逃去尋君之  
處君之智也人不得而害之必在安房上總二  
州之間夫東國誰不源家人雖一旦隨平氏豈  
忘舊恩哉必皆歸焉汝切勿懷二心我既老矣  
不可徒行不可馬乘汝欲扶去恐亦弗能也及

其弗能則人必笑我言白頭所得能多少不死  
於城而死于徑矣又必笑爾言苟遺其親肆諸  
道路矣吾獨留于此汝等往矣宜忍生戮力建  
君於世而領先塋所在以孝奉之是予之願也  
我累世爲源家之臣今幸逢君之起義共而爲  
之致死益喜之哉但不親見君之拜日本大將  
軍而死此遺恨耳老淚泫然沾直垂袖兄弟已  
下號泣不肯行義明云速去而其志不可回也  
皆不獲已踰城指安房國而赴焉二十七日島

山遂拔城殺義明時義明百六歲也爰北條父  
子岡崎四郎義實近藤七國平等自土肥岩浦  
乘船亦指房州而渡與三浦遇于海上拍手相  
懽二十九日武衛掉扁舟著房之獵嶋北條等  
迎拜之數日愁眉一時開矣尋而畠山來伏焉  
武衛謂三浦言不受降者大事不可成當爲忘  
私讎三浦義不辭五年之夏武衛選善射者十  
一人直宿寢處義連其一也武衛乘納涼之興  
逍遙乎三浦訪義明之舊跡義澄拜辱設盛饌

饗之武衛宴樂無貴無賤飛觴歌舞時武衛脫  
水干賜岡崎四郎即命著之上總人嫉之曰若  
廣常者合當拜受之而義實蒙此賞則意外之  
事也四郎嗔曰廣常自負功云爾豈比義實之  
忠哉二人爭欲兵武衛不敢下言辭義連出叱  
云義實之吹濫老狂之所致歟廣常亦乘物儀  
也猶有憤則可期後日制止之安德帝壽永三  
年春正月武衛遣兩弟蒲冠者範賴九郎義經  
爲節力使帥兵數萬誅木曾擊平氏二十日兩將

破木曾軍入洛義仲走義澄義連等追之義仲  
遂被誅二月七日源平決勝一谷東西兩口之  
戰雌雄相爭勝敗未決義經以精兵七十餘騎  
廻至鷲越即言可以九郎爲範而馳驅深入險  
阻頭上嶙峋目下豁舒進退窮而士卒屈義連  
進曰此是三浦之馬場也先驅義經繼之士卒  
皆馳揚聲放火音響于谷烟舞于風城中以爲  
大軍襲來失度而潰焉義連之勇名於是乎籍  
甚矣四年之春兩將追伐平氏於西州義澄義

連從有戰功焉後鳥羽帝文治四年秋七月十日賴家朝臣始著鎧其儀尤嚴義連進御劔五年之春正月九日朝臣有弓始之禮使射手十人行之義連其一也夏召北條三男於幕府命元服武藏守參河守以下相列著坐三獻禮畢武衛命加冠義連辭重命言上首列坐汝辭亦可也然往年三浦遊宴之時廣常義實喧競之處汝克治之於今乎不忘之此小童者內室之所寵異將來託之不可固辭義連乃進加冠字

日時連秋武衛東征源軍破伊達之厚樞山之要害逼于西城戶國衛血戰禦之義澄義連等勵衆戰疾攻急而國衛死之奧師撓敗源軍乘勝追亡武衛令義連等整旅擊之而泰衡遂授首武衛使義澄義連等討其餘黨而奧羽悉平夷矣武衛賞功臣而封義連於會津城鎮東北矣建久元年冬武衛上洛義連扈從任左衛門少尉矣三年秋八月九日實朝公生義連獻護刀四年之夏武衛狩富士野曾我夜擊之翌召時

宗於幕下勇士侍左右義連其一也夫義連斷  
 金之志武衛亦諒之凡出御則先後之每有事  
 則與於此焉嘗司和泉紀伊兩國守護職矣武  
 衛任征夷將軍之時使義澄奉敕使之除書是  
 思義明忠死之言也人皆感羨之矣抑義連兄  
 弟之不顧親之死與漢之王陵趙苞異世同情  
 之事也可不哀哉可不憐哉其扶父而去則既  
 已不能也儻與父共死乎或與父共降乎此皆  
 父之不可許也必矣然則與其違父命而死無

益也寧相君而繼父之志者耳使程子論之則  
 亦可與王趙同斷案耶未可知也義連娶伊東  
 氏生盛連盛連之子光盛是為葦名之祖其子  
 泰盛次盛宗次盛員次直盛次詮盛次盛政次  
 盛久盛久無子弟盛信立其子盛詮次盛高次  
 盛滋盛滋無子弟盛舜立其子盛氏是時中興  
 仙道來服焉其次盛興早世而佐原氏絕矣異  
 姓更立家臣相爭而國亦滅也厥後上杉氏蒲  
 生氏加藤氏封于茲上杉轉封蒲生無嗣加藤

國除寬永二十年之秋大將軍源家光公封第  
左中將肥太守正之于此矣太守讀書好學為  
政有法度嘗遣家臣循行封疆而聞義連廢墓  
在耶麻郡嘆曰先封之主名將之迹我後人之  
所以可圖不朽也遂為此礮石建碑屬嘉銘文  
予於是考其譜表其事聊論之繫以銘厥銘曰

佐原之系

平氏之族

世仕源家

久得定食

大令貽謀

十郎忍辱

繼父之志

共臣之職

維肱維股

維心維腹

李固斷金

趙峻匪石

勇茂黜舍

氣凌貫育

御宴治亂

京寇追北

身生三浦

名揚一谷

輿役之勲

會封之福

因太守舉

銘少尉域

圓首方跌

過者可式



寬文八年戊申仲夏初三日山崎敬義撰

垂加草第二十六

*[Faint bleed-through text from the reverse side of the page]*

垂加草第二十七

八碑三日月廿七日...

土津靈神碑

土津者東照大權現之孫源中將之靈號也靈神諱正之小字幸松台德院秀忠公之子大猷院家光公之弟而大將軍家綱公之叔父母神尾氏慶長十六年辛亥夏五月七日生於江府焉七歲台命信州高遠城主從五位肥後守源姓保科氏正光為義父弱冠義父卒任肥後守

賜爲清刀入高遠寬永九年壬申冬直叙從四位下甲戌之秋家光公上洛靈神扈從七月十八日公參内是日靈神任侍從拜皇帝太上皇賜天盃丙子之秋大增封戶移羽州最上城賜行光刀靈神入最上巡所部加獎諸士更召多士各頒職事無大無小咸自爲之戊寅之夏最上近邑白岩民將叛靈神治之驛告辛巳之秋八月三日世子家綱公誕靈神獻光忠刀左文字小刀癸未之夏韓使來貢公引見南殿靈神

侍坐秋復益封戶移奥州會津城正保二年乙酉夏任左近衛少將四月二十三日世子元服靈神理髮獻來國光刀于公獻守家太刀行光刀于世子公賜長光刀世子賜將監長光刀賜御盃秋叙從四位上冬十一月天子特賜宸翰宮額于大權現勅使格于日光山靈神登山攝御事慶安四年辛卯夏四月二十日公太漸召靈神於寢殿託世子而薨靈神常在府佐之秋家綱公任内府拜大將軍勅使來靈神登城承應

垂加詳  
卷十七

二年癸巳秋公任右府勅使來靈神登城公命  
謝上使靈神與副使侍從今川範英上京師冬  
十月十日參內拜帝公事畢私覲賜天盃仙洞  
新院女院如前儀次謁關白太閤亦會之及太  
閤關白送之十三日敕答賜天盃而退則任中  
將賜太刀乃辭官拜賜而出仙洞敕答賜仙盃  
賜太刀新院敕答如前式是日女院設饗禮有  
舞樂賜御盃賞賜若干靈神拜辱二十七日歸  
府復命公乃言曰中將之任宜從敕命乃拜累

叙從三位又辭遂叙正四位下明曆改元乙未  
冬韓使來貢公引見南殿靈神侍坐事關韓使  
以書信來于私第靈神報答之寬文六年丙午  
靈神五十六以疾致事而不得謝自是營中乘  
輿國老就謀焉靈神性剛正而和淳自幼讀書  
不惑年始讀小學知大學之基焚向前所讀老  
佛之書專攻濂洛關閩之書用力於敬功夫日  
新也其言云主一無適則存得未發之氣象動  
亦定靜亦定聖人無情性之者其庶幾乎又云

程門靜坐之法楊氏羅氏李氏能授受之三子  
傳心錄於是乎編矣嘗使嘉讀玉山講義爲之  
附錄則舉其要曰仁之生意親切之味卽未發  
之愛一理而萬物之所以爲一體也又曰  
智藏而無迹識此而後可以語道體可以論  
神又曰仁智交際萬化機軸此合天人之道也  
嗚呼可謂說約矣知此要約者朱門蔡季通仲  
默真希元之後未有斯人也日本神代卷中臣  
祓者我道傳授之書也靈神學之得吉田家之

傳遡五十鈴川之流神武向日之畏應神祕道  
之敬奉持而著之心胸之間實弓兵政所崇道  
盡敬天皇以後一人耳其事君也大義常存於  
心念念不忘以安世爲悅而不以一毫欺之恐  
已忠之不盡而不欲人之悅已其所書思對命  
悉燒之人無得而知之周公之于身亦優爲之  
欲得夷齊無怨之仁厭聞湯武革命之義常言  
文王至德處孔子以來韓愈程朱發之蔡伯至  
德處孔子以來惟朱子明之夫然後天下之爲

君臣者定矣因言事代主命本朝泰伯也又常  
稱明道愧視民如傷四字愛范希文先憂後樂  
之語使侍史讀倭漢歷代之書察治亂之幾論  
興亡之迹考諸地宜質諸時義編二程治教錄  
以寓乎其意焉其治會津也城隍郭郭時省督  
課儲軍糧備兵器作風土記坐知四境正神社  
爲之志廢佛堂斥僧寺置葬地禁火葬立社倉  
行常平謹權量寬租稅制糶糴漕運之法聽訟  
本人倫察事情遣監司循封內下情上達凶年

防之饑歲賑之九十以上歲與口養孝子節婦  
賞之不忠不第罰之窮人無歸則給之旅客有  
疾則濟之未嘗有一人餓莩者也靈神娶奥州  
岩城城主從四位左馬助藤原姓內藤氏政長  
女生一男幸松夫人夙終男亦夭二男正賴從  
四位侍從長門守先没三女嫁羽州米澤侍從  
從四位播磨守藤原姓上杉氏綱勝先没四男  
正經從四位侍從筑前守娶加州小松中納言  
從三位肥前守菅原姓前田氏利常女三子皆

母藤木氏五女母牛田氏嫁利常嫡孫正四位  
左中將加賀守綱利先没六女嫁相州小田原  
侍從從四位美濃守越智姓稻葉氏正則嫡子  
從五位丹後守義雅先没七男正純從五位東  
市正先没二子亦藤木氏生八男重四即母沖  
氏戊申之歲著家訓明年再乞致仕台許令正  
經襲封六十一蒙土津靈社之號壬子之夏行  
于會津卜壽藏於磐梯南麓見禰山詠倭歌以  
賦其事蓋仁以為己任生無所息望壙則知所

息者歟夫我神國傳來唯一宗源之道在乎土  
金而土即敬也蓋土與敬倭訓相通而天地之  
所以位陰陽之所以行人道之所以立其妙旨  
備于此訓靈神達乎此靈號良有以矣是冬歸  
府病卧于城南箕田邸公使國老數來十二月  
十八日終于正寢臨終不異平生惟仁義之言  
而安然氣絕壽六十有二歲也公哀痛躑躅之諸  
侯惜之女院聞訃甚傷關白以下嗟嘆弔之矣  
孝子正經治喪不用浮屠衣衾棺槨必誠必信

晦日大輦至于會津焉癸丑之春三月二十七日  
大葬於壽穴矣夏建社請神祇管領長上卜部  
兼連安鎮之厥重曰土津靈神安鎮座矣延寶  
二年之秋鐫石立碑屬嘉作其文夫靈神之忠  
之行天下具瞻之至其學識則嘉竊知之故不  
敢辭之乃爲之文繫以銘曰

維左中將 源家懿親 氣和而淳 讀書知道 持敬脩身

排黜他鬼 尊信我神 致忠之真 國老謀政 韓使結隣 初守高遠 乃利黎民 次護最上 乃陟士臣 終鶴城主 兼龜壘鎮 風土有記 社倉見仁 爰著家訓 永貽後人 體藏磐麓 社扁土津

之德之合

之實之賓

正直祈禱

靈驗斯新

山崎嘉謹撰

垂加草第二十七

垂加草第二十八

墓誌

甥女小三墓誌銘

甥女諱小三洛陽人寬永戊寅三月二十日申  
 上刻生幼孤家君令姊俱鞠育之其性正靜孝  
 順不苟食不茹葷常不外出能勤女事予口授  
 女孝經教事家君令姊祭祀禮相助奠皆遵教  
 能之承應壬辰二月病卧癸巳六月二日午上  
 刻十六歲死病間唯言孝奉之事不欲使家君



聞苦楚之聲病革謂嘉姊弟曰我死無憾獨以  
貽家君母君憂為恨耳朔禮適家君所少間而  
退乃死之前日也臨終其言如平生使掩屏風  
於枕上奄然絕焉嗚呼哀哉是月丁酉葬于洛  
東黑谷山葬事不能備惟衣衾棺槨依家禮治  
之是日女舅敬義誌石納諸幽窆冀後人莫敢  
壞銘曰

墓盡哉甥女

有德無年

命乎命也

泣納此鐫

會津中將源公壙誌

太守姓源氏諱正之小字幸松大將軍秀忠公  
之子大將軍家光公之弟而大將軍家綱公之  
叔父母神尾氏慶長十六年辛亥夏五月七日  
生于江府焉七歲合命信州高遠城主保科肥  
後守正光為義父二十一義父卒任肥後守二  
十二直叙從四位下二十三任侍從二十六移  
羽州最上城三十三移奥州會津城三十五任  
左近衛少將叙從四位上四十三任中將叙正

四位下太守娶内藤夫人生一男幸松夫人早終男亦夭二男正賴從四位侍從長門守前没三女嫁從四位侍從播磨守上杉綱勝前没四男從四位侍從筑前守娶加賀中納言前田利常女三子皆母藤木氏五女母牛田氏嫁利勝嫡孫左中將綱利前没六女嫁從五位丹後守稻葉義雅前没七男正純從五位東市正前没二子亦藤木氏生八男重四郎母沖氏太守五十六以疾致仕而弗許五十九傳封印於正經

六十一蒙土津靈號寬文十二年壬子冬十二月十八日終于江城南箕田邸壽六十一歲也癸丑之春三月二十七日葬於會城東北磐梯南麓焉太守具剛正之質得和淳之氣守神道在窮儒教之極其奉上也確乎忠貞不可拔君諒之國之大事必與焉國老賴之國人信之其視下也宜士宜民而士民懷之如父母及其即世也天下憂而惜之嘉待於太守十年于茲焉翼翼德容温温辭氣如在乎目如在乎耳感愴



被疵輪九死竹中半兵衛尉衝突救之光泰得  
脫於是賜賞地七百貫與力十餘人別所氏據  
播州三木城右府遣公征之公出師令云有疾  
暨疵者止州里任民以事而以時徵其賦光泰  
意謂江北之戰予雖傷膝為跛豈比肩庸夫哉  
固請前驅播州為安藝毛利氏屑故恐其亡齒  
寒由高砂浦致轉讓之助公以為勝筭莫如絕  
糧教光泰居峭草渡其甬道光泰捍之而城中  
餉盡別所氏自殺天正八年庚辰之正月也公

乃賜采地五千石十年壬午明智氏弑右府公  
方攻毛利氏聞變即還決勝於洛南山崎光泰  
隨之鏖殺賊酋長原某突未公與柴田氏大戰  
近州柳瀨克之光泰從之能用銃手自接鎗獲  
甲首尋而軍國大權入公掌握公加獎光泰為  
丹波州周山城主封戶一萬七千石累遷近州  
貝津城領知如故又移同州高嶋城增封戶領  
二萬石甲申公與尾張內府平信雄卿有郤公  
攻尾州拔犬山城卿屯于小牧山公進向之使

光泰守大山公與卿諧和而光泰徙美州大垣  
城倍封戶領四萬石代官知二萬石乙酉公伐  
佐佐氏越之中州光泰隨行有績矣其後偶失  
言公前遭貶屬公弟大和太納言秀長卿卿與  
之食邑一萬石歲餘在同州秋山城與二萬六  
千石居數歲公下省命移近州佐和城賜二萬  
石叙從五位下任遠江守庚寅小田原之役公  
令光泰守參州岡崎吉田兩城及駿府城小田  
原降而封于甲斐國壬辰公遣兵擊朝鮮朝鮮

請救大明大明許之公聞而加兵光泰爲其一  
將以千人行石田治部少輔增田右衛門尉大  
谷刑部少輔受關外之命赴之至朝鮮會日本  
諸將于京城諸將僉議暫班師金山浦而運籌  
策則功可成乎光泰曰明兵之援曷驟懾之且  
金山浦距此數百里若班師則敵又收此地矣  
而可哉諸將云兵食弗可繼光泰曰糧絕則食  
沙而已諸將無語石田曰人豈食沙哉光泰笑  
云食沙底樣子未知乎然則留予一人而去我

儻得生歸則陳吾人商量於殿下諸將終不能  
班師石田增田大谷銜之不和矣明兵果來挑  
我軍光泰欲戰諸將欲堅保棲光泰彊之立花  
左近日吾所願也小早川肯之曰吾其先騁諸  
將無異辭光泰鼓衆敢戰一以當百死傷相半  
最爲危急柳川橫馳擊之立花小早川戮力乘  
之明人大敗北斬首二萬八千餘顆光泰功名  
於茲乎藉甚矣講和成將歸日本到西生浦石  
田等欲與光泰和解宴于宮部兵部少輔所宴

罷就疾明日永逝蓋鳩殺之爾文祿元年癸巳  
八月二十九日也行年五十有七矣光泰娶一  
柳氏生二男四女長男諱貞泰稱呼作十郎季  
男諱光直稱呼平內四女一適竹中氏一適冷  
泉院一適石河氏一適加藤氏甲午貞泰十五  
歲國除遷美州黑野領四萬石叙從五位下任  
左衛門尉夫光泰生前之功如彼而死後胤子  
之報如此何也石田愬之也公之智而惑志於  
倭人亦不曾有致子服力操董狐筆者可惜也

耳矣慶長三年戊戌豐臣公薨庚子石田挾公  
子秀賴卿令諸侯陣于美之關原源家康公自  
將討之石河備前守守尾之犬山石田令貞泰  
屬之貞泰通於源公遣舍弟光直質于江府石  
河遂退聽貞泰略定犬山屢飛羽翰以達其事  
情公悅之辱華檄兩封既而貞泰應源軍先鋒  
并伊兵部少輔之指麾發犬山向美州公著美  
之赤坂貞泰謁見廼命屯州之本田拒大垣城  
公大破關原直抵近之佐和山貞泰從行公遣

稻葉右京亮與貞泰攻同州水口城城主長束  
氏不戰而遁公入攝津難波城貞泰隨而往焉  
公擒石田等反接載檻車徇于京路戮之而天  
下歸江府矣庚戌公命貞泰為伯州米子城主  
益封戶領六萬石改任左近將監甲寅之冬有  
難波之軍貞泰及松平周防守岡部內膳正等  
向天滿口貞泰為之先渡和議成公振旅而還  
乙卯之夏復軍于難波貞泰與松平武藏守同  
陣神崎口城陷而軍散矣元和三年丁巳公嗣

大將軍秀忠公命移豫州大洲城封戶如元癸亥五月二十二日貞泰罹病不祿享年四十有四矣弟光直叙從五位下任遠江守貞泰娶小出氏生二男一女長男名泰興稱呼五郎八次男名直泰稱呼織部女嫁細川氏光直娶本多氏生二男長名泰直稱呼與父同次名利景初稱作內後呼平右衛門直泰娶小出氏泰直娶本多氏泰興十二歲見于大相國秀忠公大將軍家光公其翌年貞泰卒台命城主知縣如父

寬永元年甲子叙從五位下任出羽守泰興先室岡部氏生一男而亡矣今室戶澤氏也男名泰義幼稱龜助長呼右馬助庚辰十二歲見于大將軍承應二年癸巳叙從五位下任美作守爲太田備中守塔茲歲萬治三年庚子余在江府泰義欲傳家轂需筆於余余賞之且言曰今也父子共事大君幕下其能樹忠功則子葉孫枝家榮罔朽矣作加藤家傳

垂加草第二十九



垂加草第二十九  
[Faded text, likely bleed-through from the reverse side]

垂加草第三十

譜

山崎家譜

曾祖考姓山崎氏號淨榮播州人不記其生卒  
年月歿日十三日也妣慶長十四年己酉秋八  
月六日歿于播州三木生子三人男二人女一  
人皆幼而孤長男祖考也次男早亡季女慶長  
年中死于攝州大坂矣祖考號淨泉少稱又四  
郎自二十四歲仕正二位木下肥後守家定茂

叔淨英法印慶長十一年丙午夏四月法印命呼又左衛門弘治三年丁巳生于播州完栗郡山崎村寬永元年甲子冬十一月二十二日癸酉歿于洛陽葬于知恩寺享年六十八妣姓多治比氏名良號妙泉永祿五年壬戌秋九月九日庚寅生于攝州西生郡中島村寬永十七年庚辰春正月九日辛卯歿于洛陽合葬于知恩寺享年七十九男子三人長男父君也次男小字六藏稱六右衛門季男初稱八右衛門後呼

半右衛門父君天正十五年丁亥夏五月四日壬辰日出時生于泉州岸和田延寶二年甲寅冬十月二十一日辛亥酉下刻歿于洛陽二十七日夜合葬于黒谷山享年八十八歲名長吉小字鶴千代自十一歲侍法印側十九法印命呼清三郎法印薨仕其嗣從五位官内少輔利房時年二十三官内命呼清兵衛官内喪位三年從之能奉之官内復位而去之自稱三右衛門時年三十二四十四再仕官内命呼清右衛門四十七復去稱三右衛門其後窮居五十五號

淨因母君姓佐久間氏名舍奈天正九年辛巳  
冬十月生於近之江州安比路寬文十一年辛巳  
二月二十一日  
日午中刻歿于洛陽二十七日實實明葬于黑谷山享年九十一歲生子四人男  
女各二人長男慶長十七年壬子冬十月晦日  
庚寅生夫次女二十年夏五月九日乙卯卯時  
生名鶴嫁某氏寬文十年庚戌六月二十一日  
谷山享年初刻死于洛陽二十四日夜葬于黑  
五十六次女元和三年丁巳春三月朔日丙  
寅寅時生名玉嫁某氏寬文四年甲辰閏五月  
日實明葬于黑谷山享年四十八季男嘉也四年戊午冬十二

月九日甲子亥時生小字長吉甫母君慶參比  
叡坂下兩社神拜于鳥居前時老翁折海花一  
枝與之母君戴之納于左袖而孕焉四人皆生  
於洛陽六右衛門文祿四年乙未夏六月十日  
辛亥生于播州姬路寬永八年辛未冬十二月  
五日甲戌死于洛陽享年三十七叔母姓安田  
氏男子一人稱太郎兵衛其子曰源太郎半右  
衛門慶長四年己亥春正月晦日庚戌生于大  
坂寬永二十年癸未夏四月十八日辛巳死于

洛陽葬于知恩寺寬文二十二年二月六日改葬于黒谷山享年四十

五無子父君曰先君性正直有武志自少持古

筆三社託宣一幅深護之朝夕誦之將拜覽必

盥漱著道服袴掛之吾等幼時或觸之則叱之

吾亦依先君命自少誦之乃賜其古筆于嘉焉

祖妣性嚴寡言飲食有節嘗謂嘉姊弟云諺有

之身一錢日百貫汝等勿傷目而善習字不識

字則與無目者同焉信哉言也夫有手而無目

不能執物有足而無目不能行路有書而無目

不能讀之有目而不識字亦不能讀書不能讀

書則貿貿然莫知所向與無目者何異目百貫

之言不亦可乎善習字之訓不亦宜乎家君窮

居貧乏時祖考妣無恙嘉姊弟方幼養老育幼

其劬勞非他人所堪也父君性正直謙遜人皆

悅之母君性嚴雖甚愛我等然好慢遊放飲食

則未嘗不呵嘖常誠鷹饑不啄穗士夫之子當

尚志也寬永六年己巳嘉十二歲父君命呼清

兵衛正保三年丙戌春三月五日壬子以父君

命復本氏而以嘉爲名字曰敬義以閣號齋稱呼加右衛門慶安三年庚寅秋作先祖神主九月二十一日癸酉始之晦日成二十五日父君語嘉曰前夜夢神謂吾曰自今而後以忠平呼汝也嘉嘆其孝感二十七夜嘉夢幽都明都幽明室七字神主之奉用家禮行之扁曰著存家君日參嘉亦侍焉父君平居無事從容乎庭樹之間時使從嘉小子讀小學書及嘉詩文聞而樂之五年之夏五月辛未朔父君壽誕日子男

嘉謹識○承應二年冬十二月癸亥朔十七昏嘉親迎於鴨脚氏○明曆元年乙未春始開講席先小學次近思錄次四書次周易程傳二年冬十二月二十一日乙未講畢三年春正月將起倭鑑筆人日庚戌詣藤森作詩曰親王強識出群倫端拜廟前感慨頻渺遠難知神代卷心誠求去豈無因二月二十一日甲午出京詣伊勢二十六日參宮三月朔日甲辰歸京十三日參八幡宮四年春二月二十七日甲午出京遊

東武王於井上内太守。○萬治改元戊戌八月  
二十一日丙戌歸京經過參宮二年春三月二  
十三日甲申東遊秋八月十八日丁未歸經過  
參宮三年春三月九日甲子東遊秋八月八日  
辛卯歸四年春三月二十九日巳卯東遊經過  
參多賀宮。○寬文改元辛丑秋八月二十七日  
甲辰歸二年春三月二十一日乙未東遊夏五  
月二十七日歸三年春二月六日乙巳改葬祖  
考妣于黑谷山二十一日庚申東遊秋八月二

十一日丙辰歸九月二親參宮嘉姊第二人從  
之是月朔乙丑十四日出京十六日著山田宿  
福島氏其夜拜外宮其明拜内宮嘉作詩云千  
秋神在祭儀新時致拜參親子人正直勅宣吾  
不貳一心階下仰天真十八日出山田二十一  
日歸自十四日至二十日晴二十一日雨四年  
春三月八日辛未二親參八幡宮嘉姊第二人  
隨行明日歸二十四日東遊夏四月二十九日  
辛酉聞姊疾五月四日丙寅歸五年春二月三

日庚申造家上梁三月二十一日戊申東遊主  
於會津中將源太守冬十月七日巳未歸六年  
春三月二十一日壬寅東遊秋九月二十一日  
巳亥歸七年春閏二月二十一日丙申東遊疾  
夏四月二十二日丙申歸病間修洪範全書秋  
九月三日乙巳成九日序自始閱此書二紀乎  
茲焉尋而病愈矣家君今年八十一因有欽哉  
八十一龜卜之句乃於北野祈禱連歌八年春  
二月二十一日庚寅東遊秋八月五日壬申歸

經過參宮九年秋九月十一日壬寅東遊經過  
參宮受中臣袂于大官司精長冬閏十月二十  
五日乙卯歸十二月二十四日癸丑使土佐將  
監光起向家君描壽影嘉贊曰乾父坤母一視  
同仁家君壽影於我尤親十一年秋八月十八  
日丙申東遊冬聞吉田神道之傳十一月二十  
二日庚午冬至蒙垂加靈社之號吉川惟足書  
之自贊曰神垂祈禱冥加正直我願守之終身  
勿忒二十三日作藤森碑銘十二月八日乙酉

歸十二年秋八月十七日巳未東遊至于會津  
冬十一月十一日壬午歸十三年春正月二十  
六日丁酉東行于會津會源中將之葬三月二  
十七日丁酉襄事夏六月四日壬寅歸  
垂加草第三十

垂加草  
卷三



